



De Iustitia Et Iure ceterisq[ue] Virtutibus Cardinalibus

Lessius, Leonardus

Antverpiæ, 1632

7 Vtrum aliquo euentu liceat interficere innocentem.

[urn:nbn:de:hbz:466:1-72459](#)

DVBITATIO VII.

Vtrum aliquo euentu liceat interficere innocentem.

D.Thomas art.6.

V. G. Si tyrannus persequetur innocentem, ut olim Constantius Athanasium, & minaretur urbi excidium nisi illum interimat.

36 **R**espondeo & Dico Primò, Non posse interfici. Probatur, Exodi 23. *In sicutem & iustum non occides, quia auerter impium.* est ergo impietas hoc facere. ratio est; quia cum nullus hominum habeat dominum vita alterius, nemo potest eam tollere, nisi vel ad necessariam defensionem, vel ad criminum punitionem. Vnde D. Augustinus lib. 1. de ciuitate cap. 17. & 19. docet, grauius esse peccatum occidere innocentem, quam peccato-

*obligatio-
nes.*

rem. Dices Primò, Respublica potest exponere vitam suorum ciuium, ob communem salutem; ergo etiam potest vitam alicui eripere, quando id necessarium est ad communem bonum. Secundò, Potest quis ad obtainendam victoriam diriger tormentum in locum, vbi videt multos innocentibus: quod nihil est aliud, quam eos occidere. Tertio, Viri Samariae occiderunt 70. filios Achab timore belli quod Iehu illis minabatur, vt patet 4. Regum cap. 10. & factum illud Deo placuit: ergo ob communem bonum licet interficere innocentibus.

37 *Quo modo
posset expo-
nere vitam
subdidio-
rum.*

Ad primum Respondeo, Rempub. posse suorum ciuium vitam exponere imperante iustam defensionem, necessariam ad patriæ salutem, ad quam defensionem Iure natura obligantur: quod longè aliud est, quam ipsam vitam directè eripere, leu inferre mortem. eripere enim vitam innocentium, nihil per se confert ad auertendam Rempub. calamitatem; sed solum ex malitia tyranni. Itaque cum per se malum sit, non sit licitum ex eo, quod referatur ad talem finem, alioquin licitum esset Sacra menta profanare, & haereticas cærimonias inducere, si tyrannus id præciperet, excidium interminans.

*Dirigere
tormenta
eo, vbi in-
nocentes.*

Ad secundum, Hoc non est directè & ex intentione occidere innocentibus, sed præter intencionem, intendit enim demoliri turrim, quod licet potest ad obtainendam urbem. Neque tenetur abstinere, quod hostes ibidem pueros & turbam imbellem collocent, (alioquin numquam Victoria posset obtineri) sed cœptia prosequi potest, quatenus ad viatoriam necesse, etiam inde sequatur illorum interitus. Si tamen illi essent in castris obsidientium, non possent interfici, vt ciuitas cogatur ad dictinem.

Ad tertium, Valde verisimile est, Iehu indicasse ipsis, voluntatem Domini esse, vt progeniem Achab deleret: alioquin peccasset inducendo eos ad peccatum. fuisse autem Dei voluntatem, qui vita necisque in omnes potestatem habet, patet 2. Paralip. c. 22. vbi dicitur, Deum vnxisse Iehu, vt deleret domum Achab.

38 *Potest il-
lum tra-
dere.*

Dico Secundò, Potest tamen Rempub. cogere innocentem vt tyrannum accedat, &c, si ire nolit, potest illum tyranno tradere. Ita docet Lopez 1. p. cap. 6. Instruct. & Adrianus, quem ibidem citat,

& Petrus Nauat. lib.2.cap.3.num.120. quamvis Sotus lib. 5.q.1.a.7. & quidam alij negent. Probatuſ Primò; quia ille innocens tunc ex charitate & pietate in patriam & ex iustitia legali tenetur e-gredi, & se morti exponere, si certum sit calamita-tem communem auersum iri: ergo etiam ad hoc potest cogi.

Respondet Sotus, eum non teneri ex iustitia particulari, ac proinde non posse cogi. Sed in hoc fallitur; nam ad multa cogi possumus per Magistratum, ad quæ ex iustitia non obligamus: vt ad dandam eleemosynam in magna fame, ad vendendum frumentum, ad vitandos sumptus immo-dicos in uestes & coniuicia; ad vitandam ebrietatem, fornicationem, incestum, sodomitiam, blasphemiam, certos ludos, & similia; ad quæ tamen ex iustitia non obligamus. ergo similiter poterit iste innocens cogi, vt tyrannum accedat, etiam si certissime sit interficiendum: sicut cogi potest vt stationem suam tempore belli obeat, etiam si constet esse interficiendum. quod si nollet ire, iam verè non esset innocens: vnde posset à Rempub. tyranno tradi. similiter si timeretur fuga elapsurus cum perni-cie Rempub.

Secundò, Si Principe in extrema necessitate constituto, non suppetaret nisi unus panis homini priuati, posset ille cogi ad cedendum eo Principi, & etiam vi spoliari, etiam si esset moriturus fame: ergo etiam potest cogi vt accedat tyrannum, quando id necessarium est ad salutem Rempub. Consequentia patet; quia qui auferit illi panem, non minus videatur ad mortem cooperari, quam qui cogitatire tyrannum, vel qui alium tradit.

Tertio, Si in hoc esset aliqua iniuria, id proueniret ex eo, quod iste tradatur iniuitus, atqui hoc non obstat: quia panis etiam auferunt ab iniuito; & tamen non fit ei iniuria, eo quod ex charitate obligatur illum sponte dare: ergo cum hic sit obligatio sponte accedendi ad tyrannum; si cogatur, non fit iniuria. potest enim legitimus Superior cogere ad ea, ad quæ Iure naturali obstringitur.

Dices Primò, Tradere innocentem tyranno in hoc casu, est ipsi cooperari ad necem innocentium: atqui hoc est illicitum. ergo, &c. Antecedens *nes.* probatur, quia si satellites ipsius caperent & trade-rent illum, verè cooperarentur; ergo similiter si Rempub. id faceret.

Secundò, Si tyrannus in hoc casu peteret sibi tradi virginem ad violandum, non posset Rempub. illam iniuitam tradere: similiter si peteret codices facros ad comburendum, vel Sacra menta ad temerandum: ergo nec innocens poterit tradi, qui ad mortem queritur.

Ad primum Respondeo, negando id esse propriè cooperari ad necem. Ad probationem; Est dispar ratio inter satellites tyranni & Rempub. nam illi nullam auctoritatem habent in innocentem; vnde inferunt ei iniuriam. Rempub. verè haber auctoritatem; est enim Iure naturæ Superior singulorum: vnde potest cogere ad id, ad quod ille Iure naturæ erat obstrictus; vtitur enim iure suo.

Ad secundum, Nego consequiam: est enim ratio dissimilis. virgo enim ob periculum animæ non tenetur ire; vnde nec Rempub. potest eam cogere vel tradere. potest tamen vrbe excludere, & non tueri: non enim cum tanto suo damno tene-tur illam protegere, vel apud se retinere.

Quod

Quod ad eodices sacros & Sacraenta attiner, dici potest esse disparem rationem ; quia neque in rebus ipsis est obligatio ut tradi debeant ; neque Deus tenetur suffinere illam iniuriam, ut homines non occidantur. Accedit, quod in huiusmodi tradendis ad imperium tyranni, serem semper sit periculum scandali publici ; videtur enim proditum quædam rerum sacrarum. vnde Veteres illud semper pro magno crimen habuerunt ; ut paret ex D. Augustino epistola 64. & 71. & Hæresi 69.

DUBITATIO VIII.

*Utrum liceat alterum occidere in vita
sue defensionem.*

D. Thomas art. 7.

41 **R**espondet D. Thomas, licere, quando id necesse, modò tamen non intendatur mors inuisoris.

Notandum est, Augustinum de Ancona tractat. de potestate Ecclesiæ quæst. 52. art. 3. docuisse, occidere inuasorem non esse licitum, sed solum permissum. Idem videtur sensisse Gerson tract. de Eucharistia. Ratio eorum est, quia tenetur porcius corporalem mortem oppettere, quam ut proximum in æternam damnationem præcipitemus. Sed contraria sententia est communis ; pro qua

Dico Primo, Fas esse occidere inuictum inuisorem, ob defensionem vitæ suæ, & integratatis membrorum, cum moderamine inculpata tutelæ. Ita D. Thomas hoc loco, & Victoria relect. de homicidio nu. 17. Gomez. tom. 3. cap. 3. num. 22. & sequent. Couar. relect. in Clement. Si furiolus. 3. p. 9. vnioco num. 6. Sotus lib. 5. de Iustitia q. 1. art. 8. & alij. Probatur Primo, Quia Exodi 22. dicitur, eum, qui furum nocturnum occiderit, non esse reum homicidiū ; nempe quia discerni nequit, an venero animo occidendi, an furandi tantum, ut D. Augustin. quæst. 84. in Exodus exponit. Secundo, Quia vim vi repellere, leges omniaque jura permitiunt, vt ait Alexander II. I. cap. Si vero i. de sententia excommunicationis. & Innocent. II. I. cap. Significasti. 2. de homicidio. Quare etiam Clericis & Monachis hoc concessum, licet & laicis : id que contra quoscumque, etiam contra Superiores, ut monacho contra Abbatem, filio contra parentem, seruo contra dominum, vasallo contra Principem : & in quocumq; officio sit quis occupatus, ut si celebret & inuadatur, potest se tueri, & occidere inuasorem, si neccesse sit, & postea Sacrum continuare, vt docet D. Anton. 3. p. tit. 4. cap. 3. §. 1. Silvester verbo Bellum 2. §. 7. & 5. & alij.

42 Vnde quod Sotus ait, si inuisor fit Princeps vel persona admodum vtilis Reipubl. ego vero parum vtilis, teneri me perpeti mortem ; tantum verum est eo euera, quo ex interitu alterius, sequeretur magnum Reipubl. damnum ; ut, bella ciuilia ob sucessionem, &c. Idem Ius suo modo locum habet in bestiis. Si enim bos tuus inuasus à bove alterius, occidat inuidentem, non teneris dedere eum noxa, domino bovi occisi ; ut colligitur ex L. 1. §. Cùm arietes. 7. Si quadrupes pauper. fecisse dicatur. Eodem Iure furiosi & amentes occidi possunt quando inuadunt, si aliter elabi nequeas.

43 Dixi, *Cum moderamine inculpare tutelæ,* (sic enim loquitur Alexand. III. suprà) id est, cum ea mode-

ratione, sine qua iniuria depelli non potest: quia in *Defensio* *defensione* non potes ut maiori vi, quam sit ne *inculpata* *ceſſe* ad iniuriam arcendam : aliqui non est de *qua*. *Defensio*, sed vltio, vnde teneberis ad restitutionem. Itaque eum, qui percussit, & iam fugit, vel certè defitit, & amplius non metuitur, non potes occidere vel repercutere ; (nisi forte interdum ad *defensionem honoris*, de quo infra) quia illa reperclusio non est necessaria ad vitam tuendam ab iniuria, ut quæ iam illata sit. si tamen paret se percussor ad ferendum secundò, vel putetur aliter non destitutus, potest statim repercuri ; si alioquin vis eius declinari nequeat.

Vt autem melius intelligatur, quo modo quisque vitam suam tueri posse, & si quibus periculis, Notandum est, vitam multis modis impeti posse & inuadiri.

Primo, Si reipsa me ferias armis. De hoc nullum est dubium.

Secundo, Si accedas ad ferendum, nec possim euadere, nisi vel fugiam, vel te præueniam. Et qui-
dem si possim absque periculo vel ignominia de-
clinare vel fugere, teneor ex charitate, ut graue
damnum in vei in proximo caueam. Vnde Reli-
gioſi & Ecclesiæ ſuci tenentur fugere ; quia id il-
lis non probro, sed laudi datur : non enim illorum
laus est in armis & audacia, sed in pietate & hu-
militate. Si tamen nolint fugere, non peccabunt
contra iufitiam, etiam si inuatorem occidunt, iufita
moderatione feruata, vt docet Iulias Clarus de
homicidio num. 32. addens hanc esse communem
ſententiam, incurrit tamen irregularitatem. Si
absque periculo, vel nota ignominia non possim
fugere, possum te præuenire non enim teneor ex-
pectare donec percusseris. Ita Couar. Sotus, Gom.
& alij, estque communis ſententia DD. teste Julio
Claro num. 33.

Tertio, Si nondum accedis, tamen inſtructus es
ad inuadendum, nec possum euadere niſi præu-
eniam: iunc enim possum præuenire, vt ijdem Do-
ctores docent, & Nauar. c. 15. n. 3. vbi ponit exem-
plum de marito, qui pugionem condidit sub cer-
vicali vt vxorem interficiat ; quem vxor id certò
ſciens, si aliud remedium non lupereſt, potest pre-
uertere. Ratio est, quia etiā nondum actu inuadat,
parat tamen inuadere, & ita illam tenet conclusam
& obfessam, vt aliter euadere nequeat. Idem docet
Cordub. lib. 1. q. 38. de eo, qui alteri parauit vene-
num, posse enim illud industria conuerti in au-
tem, si alia ratio euadendi non supersit.

Quarto, Si per famulum vel faciūm me sta-
tueris occidere, nec alia ſit ſpes euadendi. Hoc et-
iam caſu videtur licitum præuenire, si periculum
ſit præfens: vt, ſi actu mandes vel ſuadeas. videtur
enim eadē ratio, quæ in tertio, parum enim refert,
an perte, an per alium inuadas & coneris interface-
re, quod si periculum adhuc eſſet longinquum, vt
ſi coniuraueris in meam necem, iamque cum fi-
caris egeris, vt opporuntatem quærant exequendi;
maior eſt difficultas. Sed videtur eadem ratio,
ſi nulla alia ſuperſit via euadendi; quia ita vitæ meę
infidit, vt alia ratione non possum elabi. non
enim teneor perpetuō me intra domum conclude-
re, vel in exteris regiones concedere. eſſet tamen
infidit ille aliquiones antea monendus ut des-
ſtitat. Ita docet Bañes q. 64. a. 7. dubit. 4. & quidam
alij recentiores.

Mihi tamen hic modus in praxi non probatur,
tum